



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四九〇

蘭綺堂詩鈔十七卷 王鼎撰

一

白鶴山房詩鈔二十六卷 白鶴山房詞鈔二卷 葉紹本撰

九一

桂馨堂集十三卷（順安詩草八卷 清儀閣雜詠一卷 竹田樂府一卷）

竹里畫者詩一卷 竹里耆舊詩一卷 感逝詩一卷 張廷濟撰

三三五

清儀閣詩文草藁不分卷 張廷濟撰

四八三

冬青館甲集六卷 冬青館乙集八卷 張鑑撰

五〇七

冬青館古宮詞三卷 張鑑撰

七〇七

原序

吾家元禮仕於蕭梁嘗著論以爲崔駰龍不過父子兩三世未有七葉之中人人有集崔駰者然則王氏之見重於前史不第以門閥而以著述較然可睹矣今條山氏才名早著詩歌之妙獨步一時尊甫草香先生洎詰弟秋農並舉賢書爲藝林職志而條山尚困諸生中一門之內父子兄弟自相師友數門才者殆將繼元禮而並稱焉無疑也條山舊所刻詩固已衣被遠近不脛而走茲將續刻新著屬余題其端余惟稱詩于今日言人人殊唐音宋調各有門庭而不能相下余意則欲

蘭綺堂詩鈔

一

通彼我之懷息異同之論而條山所見與余最合蓋其天才奇逸骨氣高邁固已非流俗可及又復沉浸卷軸登臨山水廣交遊博聞見以佐之固宜近詣之進而益上同時流輩皆歛衽推服無異詞也余觀其造意布格超超元箸味溢於酸鹹之外韻流於絲肉之餘而又何唐宋之斷斷者哉夫以條山之才固當翔步承明之庭信其實而奮其華顧乃齒逾強仕晚晚未遇何落落也然條山亦初不以屑意家在五茸城背市面郊草樹翫鬱因名曰萬綠山莊若悠然有以自得者當世名公卿苟有意於人才必將望氣而得之攀裳而就之吾見作

爲雅頌播之樂府此又條山意中事矣

乾隆二十九年甲申仲冬兄鳴盛題於吳門幽蘭巷寓齋

蘭綺堂詩鈔

二

蘭綺堂詩鈔序

條山兄與予族望同出太原而譜系殘缺不復能推其行輩顧條山長予三歲稱以爲兄弱冠時同爲諸生應試場屋嘗以時藝相角及退而爲詩互相吟賞故予兩人相視猶親昆弟也條山性情敦厚少而沈靜簡默承其尊人補堂先生之教能詩又工於書往時予座主夢少司農屬書大谷山堂詩集人以爲林佶王岐之比也其詩流播遠近東南人士題襟奉袂願與訂交而沈歸愚宗伯王禮堂光祿推獎尤深至予通籍後二十餘年歸里門復與條山相見時條山已中乙科顧屢困於春

蘭綺堂詩鈔

序

一

闢連蜚推挫宜若有不自得者而條山意思蕭散言笑如平時蓋其所養之深如此其詩殆宕夷猶和平樂易不才氣自矜不以辭華自眩其光油然而遠其味悠然而長正如大圭不琢太羹不和朱絃疏越一唱三嘆使人得其性情於語言之外讀其詩如見其人徘徊展閱俯仰生平回憶詩文徵逐之時一言一笑猶顯顯然如在目前忽已四十餘年矣乃令子述亭昆季以江干等集合爲蘭綺堂詩鈔編排薈萃將付之梓人以行於世豈不爲條山深幸哉嗟夫我郡百餘年來卿士大夫工於翰墨者頗多而詩文流傳日少非其文之不工抑

其後人失學不能珍藏刊布之故聞述亭昆季所爲亦可稍知愧厲矣故予尤樂得而序之嘉慶六年陽月昶書時年七十有八

蘭綺堂詩鈔

序

二

余兄條山自少卽能詩及壯歲詩名益著其在先達碩望中如沈歸愚夢謝山李鶴峯諸先生前後具邀賞識若吳中七子西莊蘭泉諸先生則又皆夙昔雁行友聲華不甚相後者也顧條山迄不遇久之登庚子鄉薦年已六十矣困於公車俛仰奔走所至蹤跡不少余痛條山一生無所得而爲名所役以老獨信其詩之必可傳嘗勸手自訂定而卒鹿鹿未暇也茲姪輩旣約略次第彙錄成編懼日久散失將謀付梓持以問余余不敢妄定吾兄之詩而亦苦於盲廢乃聽就所曾折衷去取於西湖老友朱青湖者而存之共十七卷蓋不及十之四

蘭綺堂詩鈔

序

五焉聊以見居遊始末云爾弟寶序識

蘭綺堂詩鈔卷一

江干集

華亭 王 鼎 條山

讀史

管子天下才一身不自謀時命當阨窮與世久沈浮刺促凡目中日月逝悠悠恃有知我者賤貧無庸羞亞卿尊仲父內政肅營邱管子不圖報鮑生亦焉求致爾青雲上濟險若同舟乃知管鮑交大義矢千秋

吳越當地戶霸氣盛東南彼此互并吞倚伏理未諳彼吳方強大蘇臺日昏酣寧知石室中虎視已耽耽嘗瞻不知苦前馬亦所甘實惟范大夫奇謀神鬼參破吳以

蘭綺堂詩鈔

卷一

強越一洗廿載慚成功不可居分國人皆貪拂衣五湖去澄波弄蔚藍神龍有屈伸可爲智者談

風雅旣已淪離騷乃繼作香草與美人忠誠所寄託英詞金石潤高義雲天薄頰波及馬揚才藻徒揮霍誰能拔鯨牙天瓢恣斟酌歌哭揖精靈蘭茝非糟粕

沈洋以自恣南華古仙人天機發漆園開合怪且神奇意不材木逍遙絕世塵一竿濮上釣微纒孰嬰身晉人拾餘唾談義何賓賓能鳴空若雁殺機時張畏豈獨王夷甫排牆禍有因

趙得和氏璧秦王乃求之一璧何足重國體實繫茲命

世有英蘭奮身叩秦堦終然懷璧返不受強秦欺立國
無大小惟人係安危子產相孱鄭執禮還馳詞玉環卻
韓起肯爲晉有司乃知謀國者剛柔貴適時嗟哉南渡
宋削弱祇自貽

大梁已爲墟信陵名更朗折節勤下交屠門車騎枉輕
身赴虎口分死無餘想侯生計萬全安危在反掌晚從
毛薛遊志意隨俯仰一言再破秦稜威世無兩惜哉反
間成報國徒慨懷英姿邁戰代漢祖幾神往

秦亡楚亦滅大風開炎劉韓彭昧先幾孰從赤松遊恂
恂張子房勇退當急流一託神仙術已逃寵利囚素書

蘭綺堂詩鈔

卷一

二

在天地名與穀城留鷗鵬寥廓弋者將焉求

六經灰祖龍孔道懸一髮存者黃與老揚波高突厄不
有廣川生聖言幾蕪沒橐筆對漢廷鴻文昭日月功利
黜百家詐謀輕霸越五星聚奎前首庸宜高揭

丙吉持大體魏相實同心股肱孝宜朝器宇良沈深三
公不案吏百職孰容侵包荒大人度朝野涵冲襟蕭曹
佐開基畫一興謳吟自非兩公賢疇爲嗣德音

衆流趨大海異義裁專家康成天挺出著書濫五車淵
源自盧馬囊括更有加間雜識緯言美玉祇微瑕箋註
啓後儒游泳涉聖涯高虛太陽照隻手誰能遮

指程
望墩

書周勒貞先生文集後

機雲開玉圃陳夏分天章偉人實挺出國風日以昌同
時彭李宋龍駕相隨翔先生主檠敦盛業照四方鄧林
無凡枝旃檀發奇香百代供驅使六藝藉笙簧平生亦
薄遊遙遙屈南荒芳情結蘭茝冲襟散沅湘屈賈厄時
命嵇阮託清狂秦淮千尺水流恨與之長逸軌逝已遐
神鋒久蘊藏顧惟希世寶終古騰寒芒雲祲播遺籍璫
璫列圭璋懷古吐高吟壯志劇飛揚

集北垞傾酒石潭對桃花飲

窈窕尋幽芳相羊一水曲宿雨潤巖巒春烟淡林木霽

蘭綺堂詩鈔

卷一

三

色澄清華景物闕穠郁攀條有餘歡左右豁心目飛觴
山之巔石凹酌醴醪隔澗酬桃花花顏頰似玉異境闢
仙源勝事踰金谷陶然答熙陽豈必絲竹肉

夢謝山先生垂示古詩二章依韻呈達

樗櫟生深山衆工所不求苟資雨露養敢懷沈淪憂寒
巖氣鬱律名都路阻修欲預良材選恐貽匠石差大賢
川嶽秀應代光圖球文淵泝三古學海吞九流歸昌忽
振響百鳥失喧啾造士固匪怒黜薄乃逾讐豈無夸毗
子軋茁一時休魁奇逢眞賞寡劣入冥搜醢雞未發覆
蟪蛄昧春秋終抱庸陋質才孑隨朋儔仰瞻師門高儒

術賁 聖猷誓將効十駕長驅勿逗遛轉思伏歷軀天
骨非驥驎崑崙誠可到驚蹇徒增愁

哲人久聞道富貴如浮雲明月間寶璐被服何精純淵
修淡無言四遠騰清芬元堂塞主瑀卓爲希世珍彼微
溪中毛采之可薦神潔躬事齋戒何嫌嫫母身謬叨國
士知負愧不足欣獨懷旦暮仰高山堪比倫習俗工聲
悅匪美效美輦曾是輝春華靈臺已放紛化雨幸茲需
南車示我人履道自坦坦務名徒寶賓亮無培風翼甘
爲臥轍鱗明德未易崇終始期葆真

擬韋左司寺居

蘭綺堂詩鈔

卷一

四

城闕厭羣塵林巖釋羈縛偶謝郡符繁遂茲禪扉樂松
風設謾來山月墮秋壑澄懷物我閒萬慮渺何著至道
超衆形有無泯垠堦智士出于機靜者得所託悠悠元
契初中心安澹泊

呈沈歸愚先生

聖人以文治大儒爲俗型太微開昌運名世翔天庭搖
筆動萬象紬思集百靈謨咸時繼響飛聲若震霆歸來
擁皋比造士本六經衆星拱北斗洪河向東溟
東溟深且廣沿河到無難北斗雖云高仰視見闌干昔
者黃門公樹幟海上壇文名接鄉國師範渺雲端何幸

倚講席依歸獲所安從茲沐餘誨浩浩春風寬

今日良宴會

良辰速故舊開軒泛羽觴山膚錯露茹列鼎騰芳香二
八燕趙女華飾侍象牀清歌繞梁起絲竹淒以鏘四座
飲若鯨百罰樂未央贈言感吾客意氣何激昂榮名世
所寶努力及方剛嗤彼轅下駒局促遜飛黃灼灼庭前
花春風不再芳策我駉耳駿被我文綺裳逝將遊宛洛
長揖步天閭朝爲上林賦日暮直長楊丈夫當要路變
化詎可量無爲守蓬戶終老徒自傷

明月何皎皎

蘭綺堂詩鈔

卷一

五

海月流素輝照我庭前樹昔時青青葉今見飄白露物
候信不居客遊易成誤徙倚蟲聲秋攬衣感葛屨故鄉
千里餘惜此芳景暮憂來還曲房獨寐誰與訴

奉題謝山先生秋林曳屐圖

平林集秋爽煙氛一朝廓白雲卷晴空曠蕩無垠壖澹
然新涼生稍覺衣衫薄人靜景自閒風清葉微落崇情
屬霄漢夙尚春邱壑寸心得虛明萬象入冲漠
幽尋安所之步履隨早晚蕭條故堪娛徙倚欲忘返林
稀鳥語空天高人意遠覽物申清語篇體凌陶阮落日
衣上明餘霞烘疊嶂目送孤征鴻冥冥秋翩健

採桑詞

麥隴雉朝飛，麥上露猶濕。
少婦採桑歸，旭日明衣褶。
豈不欲傾筐，蠶饑飼方急。

芙蓉詞

芙蓉紛旖旎，明妝妬湘娥。
上有雙翠羽，烟雨鳴相和。
采遠寄將石，尤起涼波。
美人不可卽，歲月其蹉跎。
馨香終未歇，顏色將如何。

采菊

秋色南山來，落葉浩已積。
寒衣就繁英，采采忘日夕。
榮悴各有時，物性任所適。
真契在無言，幽懷感今昔。
冉冉

蘭綺堂詩鈔

卷十

六

月東上一方涼露白，呼童具樽罍渺然望三益。

巫山高

巫山鬱焦峩，烟嵐蒼翠迷。
昏朝飛湍鏘，憂篁嶺珮哀猿。
流聲裂層霄，嬌雲一片神仙夢。
前峯雨濕琪花重，江潭
憔悴吟九章，楚宮賦艷搜高唐。

烏棲曲

蘇臺日落烏啼多，夷光醉舞修明歌。
蝦鬚十二捲金波，清輝微暎朱顏酡。
彩雲欲散嬌無力，吳王更衣權未極。
管絃聲裏東方白，燭光熒熒迷日色。

白紵舞

飄烟曳雪距且迎，折腰流盼容儀明。
竿笙繁會歌喉清，美人如月天上行。
舞翻白鶴六銖輕，一絲一縷繫君情。
迢迢良夜爲君傾。

俠客行

哀亦不痛哭，歡亦不跳蹴。
華堂鼓瑟心悲願，含情不發男兒恥。
主人憐才愛我死，左美人右千金。
長跪鳴咽未敢吟，忽聞匣劍鏘鏘鳴。
坐中股栗神氣崩，開囊忽發主人笑。
拂衣不顧劍光耀，舊誓已討新恩浩。
浩浩烟波蒼天地老。

積書巖

蘭綺堂詩鈔

卷一

七

元都秘籙不輕泄，帝遣六丁送石室。
飛天保衛億萬年，羲和鞭日曬卷帙。
金泥玉檢積懸巖，宛委岫巉備遺失。
羣真來讀未見書，世士欲窺無仙骨。
祖龍燒盡古今文，靈篇堆滿唐述窟。

青桐引

嶧陽春早和風動，交枝撲翠蒸巖洞。
曉霞十丈卷輕綃，雛鳳試飛學老鳳。
若有人兮倚朝陽，露華濃染仙衣重。
桐花開落何繽紛，文章織入天孫綜。
空山晴淡空香流，千秋釋盡烟嵐凍。
此間萬族聽歸昌，真人初疊南薰弄。
天開阿閣待羣棲，紫庭坐受越裳貢。

綠蘿引

疊疊濃陰翠影重秋屏六扇玻璃凍羅紋細碎搖芳風
綠毛倒挂千么鳳鄂君張蓋青琴麗夕郎拜頊文錯綜
拋殘竹簡臥空涼日絲繁散熏午夢煙霏幻作迷濛春
愁心引入桓伊弄

鴛湖晚眺

辟塞灣邊路柔桑綠未齊夕陽平楚外人影小橋西隔
岸塔鈴語傍船沙鳥啼一杯吟淺渚葉葉晚雲低

放鶴亭

鶴與人俱去空山剩此亭遠烟連水白春草上牆青七

蘭綺堂詩鈔

卷一

八

字懷芳躅孤吟向翠屏梅花零落盡歸屐雨冥冥

舟泊吳關口送趙璞菴張少華歸海上

山月當船白關雲動樹寒尊疊收別舫聚散此江干我
亦辭家久風前分袂難夜深鄉夢穩一葉下清漪

鹿城秋夜對月偕朱秋潭吳竹嶼曹習菴蘭泉分

韻

碧漢散清景蒼然夕靄昏相攜坐明月捉席秋梧根落
葉紛以積棲禽時一翻何人弄橫竹離思滿前村

寒松和吟香韻

烈風添勁響設設夜濤翻太息秦官冷因依孔栢尊移

巢愁野鶴採實怯寒猿夢入黃山路春回琥珀溫

雪後遜亭探梅偕張擇木鍾康廬分賦

南枝近何似徙倚溪亭陰芳歲倏已晏孤懷一往深重
雲開晚照殘雪墮幽岑風物感蕭寂因君理素琴
春暖一爲別相思雪霽初朔風吹襟袂渺渺正愁予消
息待青鳥招邀憑素書佳期倘不遠重叩山中居

奉題李鶴峯先生聽雪圖

雲泉符勝概窈窕入林於何處清音落脩然聽雪初元
規塵不染謝傳屐非虛羽扇風流在尋山意自如

孰窮泉脈遠噴薄激寒磯坐愛松風作况兼玉雪霏賞

蘭綺堂詩鈔

卷一

九

音知有在傾耳憺忘機不待清琴奏泠泠入悟微

舟次嚶城喜遇立夫先生天晚未及觀海留宿別

舫雨過口占

畫舫棲遲夕銀燈剔未殘三更麥雨足一枕海風寒多
感卻帷近無勞馮鉞彈蓬瀛知可接明發賦觀瀾

雨花臺同陸半圃作

路指長干外登臨數往還寒雲低萬雉落日隱千山臺
冷天花寂沙明錦石斑遊人仍好事訪古撥榛菅

和張漁山憶秦淮春柳

蕭蕭殘葉下寒流春去秦淮感舊遊夜月渾迷三婦艷

曉烟不散六朝愁蝦鬚十二宜橫笛統袖三千怯倚樓
芳草天涯秋又晚夢魂重爲爾勾留

繞堤婀娜幾千株一片傷春意態殊舊恨尙縈桃葉渡
新涼又到莫愁湖濃消眉黛知誰妬瘦損腰支欲倩扶
記得紅牙小拍外曉風殘月影模糊

多半春藏畫檻邊酒醒人困絮飛天生憐南國桃花漲
慣繫東風鴨嘴船繡箔吹香邀燕舞細箏彈怨惱鶯眠
板橋斜日依稀是小別嬋娟又一年

景陽鐘外散啼鴉夢逐青溪漾影斜此日寒侵珠絡鼓
幾枝亞拂碧窗紗美人刀剪西風急帝子江鄉北渚賒

蘭綺堂詩鈔

卷一

十一

猶有多情羌管在吹回春色段侯家

范蠡湖

西子粧臺問有無淡烟疎柳片帆孤背城往事憐三策
鑄像何年弔五湖別渚春風啼杜宇荒村夜雨長蘼蕪
鴟夷姓氏終難隱遺俗猶傳范大夫

越中懷古

會稽餘旅未全孤瑣尾君臣智勇殊義士不歸終霸越
美人一去竟亡吳山中黃葛歌猶昨渚畔幽蘭香未枯
千載臥薪嘗膽地夕陽搔首重踟蹰

書明季香樾盛公北上贈言卷尾

干戈滿地欲何之葉落津亭贈別時草澤有心期報主
風雲無路可扶危臥龍空隕南陽涕妖霧旋迷涿鹿旗
老向田間懷往事艱難留得故人詩

忍見河山烽火明欲扶覆轍向夷庚陸沈當日誰王衍
痛哭於今又賈生瀝血書詞會未報拳髯遺恨竟難平
不知壯士臨岐際幾許聞雞擊楫情

九日陪歸愚師遊橫雲山

二陸芳蹤幾溯洄相隨杖屨倚層臺四圍雲氣尊前落
一片秋光柳上來采菊應添彭澤興登高未盡杜陵才
山靈欲乞重陽句向夕仍煩風雨催

蘭綺堂詩鈔

卷一

十二

野祠和周四可韻

幽篁不辨古牆垣香火何年繡幔尊山鬼畫疑摹薜荔
社公雨欲誤蘋蘩苔痕聖女花鉏出樹影神鴉宿仗昏
卻怪鄰莊賽鼓近夕陽村豎牧雞豚

落梅和挾齋主人韻

澹烟疎雨悞瓊姿一半春光去似馳吹笛數番臨遠曲
夢魂三匝最高枝相思乍立無人境有恨常如落月時
何事山香傳怨舞雙鬟爭唱謝莊詩

東風猶憶馬蹄探野店春光望不堪心事難灰青塞北
騷愁易結大江南玉簫咽咽聲初倦暮雨瀟瀟路未諳

改歲芳盟應莫負天涯小別恨重嵐

登君山同曹漁菴分韻得寒字

霜郊北去踏層巒吳楚風光縱目寬
兵燹百年餘故壘東南半壁倚洪瀾
春申墓古神鴉集季子碑荒夕照寒
重向樵蘇搜往蹟臨江釀酒幾盤桓

秋燕和曜亭韻借胡恂齋盛青樓作

差池秋羽欲何依舊侶無多高下飛
南浦夢迴春社雨西風舞倦美人幃
辭巢不信江關遠惜別誰言王謝非
回首紅絲曾繫處薄霜門巷莫輕違

鬱金堂外月如鉤雙影年年去復留
得地依稀花信晚

蘭綺堂詩鈔

卷一

三

引雛容易畫梁秋故家深巷迷衰草
別殿香泥鎖暮愁戀主豈無來歲感
西風海日正悠悠

銅爵怨

白雲滿高臺衣裳自歌舞蕭蕭帷中聲
散作西陵雨

班婕妤

漫學春雲舞君王恩獨深長信宮中草
年年見妾心

少年行

探九楊柳陌走馬杏花烟欲買樓頭笑
墜卻珊瑚鞭春風吹綺羅照坐紅韉艷
笑持鸚鵡杯醉看芙蓉劍

子夜歌

聞君有遠遊剪燭縫羅襪一去動經年
夜夜抱明月

郎心逐江流江心何時早教馬學神龍
負郎飛上岸玉盃承露稀不滿手指甲
勤郎鑄雙盤面面銅心夾

桃葉歌

渡水日夜流日日見君楫君楫似妾心
宛轉波千疊君言無所苦我自來迎女
渡口一徘徊夜來多風雨

塞下曲

玉關秋色度龍沙萬里西風咽暮笳
烏弋黃支齊面內天山今是漢皇家

紅旗獵獵卷長雲刁斗聲中部曲分
沙漠早寒征士苦

蘭綺堂詩鈔

卷一

三

御裘馳賜霍將軍

紫塞秋高征馬肥燕支葉落雁南飛
龍庭近日無傳箭鼓角清霜夜獵歸

將至鄧尉同吳秋漁陳未廬分韻

權聲欵乃出橫塘跛脚篷窗春晝長
漸與梅花香界近水雲十里美人鄉

靈巖西去水鄰鄰隔岸橫斜影照人光
福塔前紅日晚

柁樓先折一枝春

四圍雲氣半模糊澹澹山村罨畫圖
一陣暗香船尾至洞簫吹過費家湖

紅亭指點最高峯小泊潭西松蔭濃禪悟真從香海入
聖恩寺裏一聲鐘

紅葉

鯉魚風起紅葉飛江天寥泚斜陽微閒愁一片寫未得
織入誰家秋錦機
江南十月紅葉稀冷霞片片明漁磯磯邊蘭槳去復返
葉落隨水何當歸

謁錢武肅王祠

功德昭吳越千秋廟貌垂順天推智勇拓地奠瘡痍五
季無真主此邦得保障禎符神石兆壯氣信潮知伐畔
蘭綺堂詩鈔卷一

古

方開國交鄰旋戢師還鄉三節貴定霸百城資烽火中
原暗桑麻雨浙宜但令綬赤子何事抗黃旗筐篚輸畿
輦車書率旄倪寶融真傑士劉表愧豚兒金券勲常著
桐圭祚未移冕旒仍服物牲醴盛神棲澤永西湖水風
高北宋碑徘徊瞻氣象錦樹想當時

第二泉

霜林霽影清策杖越修嶺稍聞泉聲喧入寺得靈境一
碧俯澄泓鑑空無停影側嵯巖素波迴瀾寫餘冷山僧
爲具鑪澗酌淪春茗一椀漱芳冽習久趣彌領別味感
中冷遊屐誰屢騁茲焉弄潺湲欲去心耿耿頽陽下前

山歸路逃故町解纜首重回寒月白炯炯

秋日過興園作詩

凌晨理烟艇紆道南塘幽帆迴村落見夕陽明林邱捨
身逃故術緣溪歷新疇入深洳有獲轉徑諧所投恍惚
十載前偃仰三春遊松欄植自古烟巖錯相稠談往氣
益振賞今迹易留傾壘摠鬱抱秉燭窮冥搜曠奧非一
狀軀欽眩三周既航秋夕美矧乘巖桂秋西廬足寄傲
東麓舒清眸却顧五老峯感余往日儔餐霞申夙約樵
徑有良謀樂哉庾家園天倫邁前修舉目謝塵鞅掩扉
薄蜉蝣風月詎相徇汀洲乃獨優卜鄰倘許偕早晚隨
蘭綺堂詩鈔卷一

古

羊求姪娥鑒余素半規當峯頭

泊舟胥門夜過茶肆見菊同百堂作

三宿茶肆前不知菊可對呼茶偶見之失喜日除暖菊
與凡花殊入俗品自在大隱隱朝列小隱可聞聞一燈
洗衆喧半壁寫百態接飲澹忘言久坐交逾耐詎以托
地苟而易吾憎愛茶癖復何人吾以看花代

渡浦後貽郡城同好

一葉渡春江渺與城闌隔梅花隨地榮伴我數枝白好
風別院來飄墮誰家笛曲廊閒徘徊疎影射粉壁觸鼻
芬有餘榮袖覓無迹美人水一方入夢聯遊屐醒來剝

咏稀曉蜂語簷隙

謁袁海叟墓

一代遺才出處難感懷殘碣夕陽間魚龍有地潛東海
猿鶴何人詠北山老鐵千秋知已在白燕篇成爲青邱
幾輩故園還公獨以見羅龕風節期誰伴明李獨巷先生亦曾遇跡
此展謁能生壯士顏

周白湖以載月圖見示走筆成長歌奉寄

明月三五光悠悠飛鴻掠過東南樓花枝竹色澹相亞
思君不見增煩憂曲檻徘徊諸簾寂移牀吟墮燈花碧
隔牆剝啄聲何喧郵筒入手開顏色故人書札無時無
蘭綺堂詩鈔卷一

卷一

七

離情擊語行行俱徵題遠示烏絲冊拭眼重披載月圖
空江汀樹溟濛合漱灩波光浮一葉月迥參差邨數家
宵澄依約山重疊跛脚篷窗迹自開天風激激水潺潺
臙脂露濕芙蓉渚翠黛烟迷楊柳灣扣舷倚詠眞清絕
月到江心尤皎澈長歌一闕駐霄雲宿驚驚飛白於雪
幾家集網打魚迴何處漁歌隔岸來洞簫別舫無心接
傾耳還宜引巨壘因思往日偕游衍芳晨霽夕原無間
有山有水恣登臨一花一石娛清讌柳碧峯青幾棹過
湖雲浦月任婆娑勝流到處觴吟合不羨旗亭畫壁多
感余往歲疲遊躅睇極天涯各南北君作蘋花傍渚開

我爲蓬梗隨輪逐一騎炎天當午馳塵沙十丈撲征衣
樹陰小憩迷歸夢莫問江南舊釣磯漸車漳水呼官渡
求馬溲沱暑雨暮飲市非無燕趙交賞音懶顧筆竿誤
拓落長安幾逗遛九衢冠蓋枉相酬碧螺醉倚西山月
紅豆愁繁南國秋風前數得相思字歌魚彈鋏非余志
五湖烟水足生涯兩家簑笠何同異十月關河雪路荒
長江孤艇急歸裝北來失喜驚鴻雁南去還憐逐稻梁
花溼舊雨眞難集暮雲春樹滋於悵躍鯉頻煩隔浦書
臨風待理乘潮楫余已風餐露宿諳滄江挂席意方恬
虛舟不解波濤觸鷗侶寧多新舊嫌月圓月缺勞吟諷
蘭綺堂詩鈔卷一

卷一

七

相思無補梅花弄曳屐總輸林下閒抱琴那得松間共
屈指山莊花未零禁烟時節好揚舲扁舟倘踐餘杭約
重泛西泠月滿汀

雲槎先生以閩產樹根東方朔像貽張玉壘作歌
東方先生神仙姿每讀畫贊如見之遺蹤忽接千載後
浮槎南海揚雲旗肅如分甘侍仙譙翩如昂首窗前窺
詠諧散誕畧髣髴金馬門外掀鬚眉刻雕半資化工助
風雨蝕就非人爲靈根蟠結迹何幻畧施磨礪形益奇
雲槎得之自閩海寶逾十尺珊瑚枝灘河水石勢險惡
圓折方折光怪滋朽株不死蘊神異如玉在璞珠生池

首烏枸杞狀人物扶苓琥珀皆松脂得氣成象益世用
神鬼守護蟠蛟螭半龕忽駐古仙影衣裾拂拂雲霞隨
騰空紫氣生兩腋一枝仙榦天風吹誰言臣朔饑欲死
狡獪不爲王母疑大隱小隱惟所目屈伸進退因乎時
優游郎署標格在遭遇有數非獨奇求之迹外真乃見
桃梗土偶休相嗤玉壘聞之再拜受尙友自今有餘師
參同一卷得偕貯素書不羨圯上贖

湖山吟眺圖爲張椒田題

寰中山水無處無秀麗不能捨西湖朝嵐夕彩非一狀
春紅秋碧難描摹此爲欲界之仙都仙人何以家蓬壺
蘭綺堂詩鈔卷一

六

白公堤畔蘇堤接吟泛湖光舟一葉不須覽遍餘杭奇
無限清妍入眉睫昔我一月此流連鶯花撩亂陽春天
目探神戀未有極烟景畧窮韜光前水精筆格桃花箋
山僧乞詩留塵緣開口已恐樊川笑湖心日日只醉眠
張君詩格追王裴清遊一載湖之隈醉後長歌答素月
水光山色空徘徊杜陵金戟從教拓伯玉胡琴底用推
袁宏牛渚清江夜夜半賞音別舫來卽今羈跡嗟潦倒
湖畔鷗盟原未少奇懷秋水晚蒙莊好句青山奪謝眺
但令旗鼓張吾軍終日沈冥功詎小不爾湖山亦笑人
安能鬱鬱傷懷抱吾有松醪十石餘送君遊航載與俱

吾亦從君湖上廬酒酣擊劍爭鳴于樓臺倒碧看模糊
將身坐臥水雲圖柳絲漾漾桃舒舒及此六橋三月初

明君曲

明君請行漢皇出朝公子彈箏在廷諸卿咸來奉觥蕭
蕭馬上曲奏新聲呼韓嚶嚶率衆歡迎漢宮不足傾單
于世爭延壽何足烹

雨不止

簷流朝濺瀑溝水夜排山上市魚蝦亂比鄰薪米艱耘
籽非所習饑溺枉相關笑我窺園去蓬蒿不可刪
濕雲蒸野合片刻幻陰晴小暑襲猶襲荒邨疫易成農

蘭綺堂詩鈔卷一

六

工無地始穀價暫時平佐治期良牧循原在此行

雨泊胥江次玉壘酬西莊家孟韻

冬暖難爲霽宵寒雨助風語聞深岸黑夢隔小樓紅擁
被應愁鄂譚經尙戀雄水程添一宿落盡半江楓

暑夜

林際滴殘雨夕涼池上生不眠貪露坐近水得風輕小
暑如三伏火雲見二更明朝添霽熱時令恐妨耕

偕陳蘭雪遊三女岡用王荆公韻

吳宮葬女地海澨得岡名幽怨隨春結遺香花草生林
歌僧宇敗碑徙土山平

旁有土山菴碑刻王荆公
梅宛陵詩今在明行寺

鳴咽

琴橋水流波達縣城

寄寶無上人

西麓邨前路紆迴入夢諸此時黃葉落欲遍雨花菴選
理僧能熟禪機誰與參江梅消息近乘月好同探

春草

烟光一碧渺無端二月江南野勢寬山上蘼蕪春易晚
陌頭蝴蝶夢猶寒關情紅日當窗弄隨意青袍駐馬看
千里東風薰欲遍香泥幾處踏初殘

平蕪著意闌春光積潤初銷風日香隔渡何人愁送遠
出郊有伴怯尋芳丰茸暖藉吹笙道旖旎晴開射雉塲

蘭綺堂詩鈔卷一

丰

遊屐年年驚物序棠梨落處迴難忘

入霽成茵雨助嬌愁心寸寸茁花朝故家池館荒三徑
舊苑蘭若怨六朝野鹿銜青蹄有跡豐碑臥綠字全消
紆回一道裙腰暗風色駸駸去莫招

殘燒痕融土脉更氤氲天氣逼清明鈎衣露浥三叉冷
繞步烟迷一剪輕絕塞春回驕牧馬曲塘晝暖困飛鶯
不知拾翠衡臯侶睇極王孫路幾程

雨中對芍藥分韻

當階一雨助春妍紅艷猶翻四月天投贈風光虛上已
別離况味動經年酣晴漫記豐臺路承露還吟紫禁篇

欲乞花王憐近侍蒸回霽彩晚霞邊

蒲團清坐圖

焚香掃地屏能局蒲團坐分青山青脫屣那容聲色擾
戒珠默守無言寶日長人靜愛年年面壁偕誰結妙緣
吟機畫境禪關會雪北香南在眼前

秦淮修禊偕朱大米家春明史亭作

秦淮柳色記當年又見飛花三月天襖集重來芳樹外
冶遊空述曲江邊烏衣吾已慚裙屐白舫誰禁沸管弦
爲語東南諸勝侶流觴莫負酒如泉

一半韶光客路消故園春已誤花朝輪蹄嬾逐長干巷

蘭綺堂詩鈔卷一

丰

鵬詠還尋舊板橋物外知交憐北地閒中人物話南朝
詩成曲水醒偏早協律空期沙嫩簫

遊君山憇圓覺菴

尋山復此踏霜郊客路詩添方外交當寺峯形疑禮佛
接簷壽勢欲騰蛟海門向夕寒迷蕩江樹先春暖拆苞
歸路東南紆亦得韓園月上宋梅梢

高桐邨過訪占贈

乞得春光半日晴故人邂逅一帆輕江干心事愁蘭杜
吳下詩名愧弟兄說劍已消裘馬習狎鷗愛看水雲生
竹枝唱過塘西去但訊南歸賀四明

謂家光祿禮堂

渡河經彭城感懷司空夢謝山師有作

戲馬臺荒夕照間秋風擊楫感無端一聲橫笛誰搔首
千丈黃樓俯逝湍雉堞只今藩屏壯雲濤往日霸圖寒
坡公樂事何人繼三百年來一笑難

公曾集客黃樓賦詩

次答楊二鐵韻

翠幌銀燈錯酒籌濃春烟墅足夷猶如何鐵笛吹遙夜
空憶橫塘有去舟小甬坐忘江國暑驚濤夢落海天秋
不知水榭乘涼晚幾輩開尊話拍浮

駒隙流光感駸駸庭梧瑟瑟墜宵深幾時荒草鋤三徑
到處華筵損一金牛女依稀隔渚影芙蓉搖蕩涉江心

蘭綺堂詩鈔

卷一

三

秋涼畏見晨風發那禁騷人怨北林

古意八首

玉溪生無題諸什託寓深遠最得離騷九歌之
遺後來箋釋紛拏未免豐干饒舌且沿香奩之
流派者風格日靡更非大雅所尙山牕餘暇戲
偕友人成古意八首愧不逮前賢益甚感惜流
光藉攄繁鬱篇體錯雜所不計云

繫馬垂楊日影驕鳴池春漲欲扶篙花當淺畫迷屏障
風入新正倦剪刀鬢篆有文香再熟機絲無緒繭重纒
最憐蝶翅如輪大隔斷紅蕖一丈高

水精簾箔徹清虛坐怯東風花事初碧玉生來宜月下
綠珠少日亦樓居嬾描楚地長睂額愛習吳王細字書
春淺春深渾莫訴小紅欲喚幾脚獅

曲折迴廊洞戶明隔簾花犬吠初晴櫻桃折處曾窺影
鸚鵡調回莫辨聲已誤佳期憐醋醋試呼小字避鶯鶯
陸郎似有明星約祇悔斑駁急遠行

絕代紅顏合姓西苧蘿門巷浣紗溪出林蟬翼常餐露
近水花枝不染泥自愛忘憂調錦瑟那因妬寵奪鸞篋
可堪油壁娉春去夢裏橫塘路已迷

池光搖漾曲闌干落盡芙蓉露氣寒收箭有時煩白鹿

蘭綺堂詩鈔

卷一

三

寄書到處滯青鸞迹同柳絮飄三月思類羊腸歷百盤
未必韓嫣能誤我曉來晦去逐金丸

一水迴舟入望明夢中顏色鏡中情曾將梔子心同結
枉說萍花實易成擲笛愛教歌板合擘箋愁見酒鱗生
前峯不信朝雲嬾立盡東南虹影橫

鶯外花香花外人嬋娟莫辨畫屏春細調綠黛曾親掃
爛嚼紅絨弗避嗔一曲土音猶北里三年心事已東鄰
雄鳩桃巧余難信手爪誰言不比新

柳腰十五不勝扶除卻章臺世已無問字教裁雙白璧
買歌合選百明珠乍疑蘭麝薰香近那得鴛鴦打槳俱